



Yolanda Amieil Sangüesa, secretària accidentau deth Conselh Generau d'Aran,

CERTIFIQUI:

Que segontes Decret de Sindicatura num. 0370/2024, de 21 de junh, s'a adoptat era següenta resolució, era còpia literau dera quau ditz:

“Maria Vergés Pérez, sindica deth Conselh Generau d'Aran, en tot hèr usatge des facultats que me conferís er article 29 dera Lei 1/2015, de 5 de hereuèr, deth Regim Especiau d'Aran,

Vista era prepausa dera òbra deth Conselhèr d'Infrastructures, ena quau se da compde deth besonh de realizar eth contracte d'òbres de “*Mielhora e mantienement de camins dera Val d'Aran 2024*” pes motius que seguissen:

1. Ei de besonh mielhorar es accèssi:

- Camin d'accés ath Saut deth Pish: petits trabalhs de reparacion de passi d'aigua, construccion de cuneta e reconstruccion de barana de seguretat de pèira.
- Camin d'accés ath Plan de Beret: triturat deth paviment damb molin idraulic, reperfilat damb mòto anivelhadora e compactat damb curro vibratòri.
- Camin d'accés ath disseminat d'Es Bòrdes (Terra Mola): demolicion de paviment de hormigon existent e bastiment de nau paviment de hormigon, enderròc de canau centrau de pèira per naua canau damb granit e substitucion de cleda metallica.
- Carretera d'accés a nuclis deth municipi de Canejan: trabalhs de pavimentacion que consistissen en reg d'imprimacion damb emulsion bituminosa catiònica e estenuda de 5cm de mescla bituminosa en caud tipe AC16 surf B50/70 D.

Vist eth Decret de Sindicatura num. 0367/2024, de 20 de junh en quau se demane informe per part dera Secretaria Generau e dera Intervencion de Hons.

Vist er informe favorable de Secretaria.

Vist er informe dera Intervencion de Hons sus eth percentatge que supause era contractacion en relacion damb es recorsi ordinaris deth pressupòst vigent, as efèctes de determinar er organ competent entà contractar.

Visti eth Plec de clausules administratives particulars redactat.

Cossent damb eth certificat favorable d'existéncia de crèdit adequat e sufisent dera Intervencion de Hòns, eth finançament des òbres a contractar ei previst ena aplicacion pressupostària num. 2024/01.454.609.05 deth pressupòst generau vigent entar exercici 2024.





Cossent damb çò que dispausen es articles 13, 25, 28, 116, 117, 118.1, 122, 159 e Disposicion addicionau tresau.2 dera Lei 9/2017, de 8 de noveme, de Contractes deth Sector Public,

È RESOLVUT:

PRUMÈR.- Avocar era competéncia entara aprobacion deth contracte dera òbra de “*Mielhora e mantienement de camins dera Val d'Aran 2024*” per rason d'urgéncia, cossent damb çò que dispause eth Decret de Sindicatura num. 0326/2023, de 22 de junh [publicat en DOGC num. 8980 de 16 d'agost de 2023 e BOP Lleida num. 159 de 16 d'agost de 2023].

DUSAU.- Aprovar iniciaument eth Plec de clausules administratives particulars qu'a de regir era contractacion des òbres de “*Mielhora e mantienement de camins dera Val d'Aran 2024*”, plec que s'adjunh coma annèxe en expedient e que demorarà a disposicion des persones fisiques e/o juridiques interessades, atau coma era despena corresponenta ad aguesta contractacion per un pressupòst totau de dus cents nauanta nau mil euros (299.000,00 €) IVA includit, damb eth desglossament següent:

- Dus cents quaranta sèt mil cent set euros damb quaranta quate centims (247.107,44 €) en concèpte de valor estimat o pressupòst net e,
- Cinquanta un mil ueit cents nauanta dus euros damb cinquanta sies centims (51.892,56 €), en concèpte d'IVA ath 21%

TRESAU.- Aprovar er expedient entara contractacion des òbres de “*Mielhora e mantienement de camins dera Val d'Aran 2024*”, mejançant procediment dubèrt simplifcat, damb tramitacion ordinària, cossent damb çò previst enes art. 28, 116, 117 e Disposicion addicionau tresau dera LCSP.

QUATAU.- Dispausar era dubertura deth procediment dubèrt de contractacion, en tot procedir ara publicacion der anongi de licitacion en perfil deth contractant, en tot daurir en aguest moment eth tèrme de vint (20) dies naturaus entara presentacion d'aufèrtes, cossent damb çò que dispause er article 159.3 LCSP.

CINCAU.- Dar compde d'aguest Decret en prumèr Conselh de Govèrn deth Conselh Generau d'Aran que s'amie a tèrme.”

E, entà qu'atau còste ar efècte oportun, signi aguest certificat d'orde e damb eth visteplatz dera Sindica.

Vielha, *signat electronicament*

Vist e platz
Era Sindica

Maria Vergés Pérez